

**KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktorica Melisa Alibašić Hadžić, dipl.pravnik (u daljem tekstu: Ugovorni organ)

i

**E- STORM PROJEKTNI BIRO d.o.o. iz Sarajeva, ul. Džemala Bijedića 129.**, identifikacijski broj kod Porezne uprave FBiH Kantonalni ured Sarajevo 42023699730009, koga zastupa direktorica društva Hajra Šahinović ( u daljem tekstu: Izvršilac usluga )

Dana 17.09.2020, u Sarajevu, zaključuju:

### UGOVOR O IZVRŠENJU USLUGE

#### Član 1.

Ugovorne strane su saglasne da Izvršilac usluga za potrebe Ugovornog organa izvrši **uslugu izrade tehničke specifikacije za nabavku kotla i usluge nabavke stručnog nadzora nad ugradnjom kotla za potrebe KJU „Gerontološki centar“ Sarajevo**, a prema zahtjevu Ugovornog organa broj: 14-1271-1/20 i svojoj Ponudi br. 133-20/086 od 16.09.2020. godine.

#### Član 2.

Ugovorne strane su saglasne da ukupna cijena usluge iz člana 1. ovog Ugovora iznosi **3.500,00 KM bez PDV-a, odnosno 4.095,00 KM sa PDV-om.**

Ugovorni organ se obavezuje da plaćanje za obavljene usluge u dijelu izradene tehničke specifikacije za nabavku kotla izvrši na transakcijski račun Izvršioca usluga broj: **1401021120040360**, otvorenog kod Sberbank BiH dd, u roku od **10 (deset) dana** po prijemu fakture-računa.

Ugovorena cijena usluga iz stava (1) ovog člana je fiksna.

#### Član 3.

Izvršilac usluga obavezuje da izvršiti sljedeće:

- 1) izvršiti izradu tehničke specifikacije ( pazeci da ista ne favorizira određeni brend ili određenog ponuđača ),
- 2) izvršiti nadzor nad izvođenjem radova ugradnje predmetnog kotla iz tačke 1. ( pazeci da se poštuju pravila struke, kao i zakonski podzakonski propisi koji regulišu predmetnu oblast ).

#### Član 4.

Izvršilac usluga se obavezuje da će usluge iz člana 1. ovog ugovora obavljati blagovremeno, stručno i efikasno, u skladu sa zakonskim i drugim propisima iz predmetne oblasti, a u suprotnom slučaju, Ugovorni organ zadržava pravo da zahtijeva ponovno izvršenje usluga o trošku Izvršioca usluga ili Ugovorni organ će raskinuti ovaj Ugovor uz prethodno pismeno upozorenje Izvršiocu usluga na mogućnost raskida ugovora iz navedenih razloga.

Sve eventualne reklamacije za izvršene usluge koje su predmet ovog Ugovora, Ugovorni organ će dostaviti pismeno, najkasnije u roku od 5 dana od saznanja za eventualni nedostatak u izvršenju usluge.

#### Član 5.

Ukoliko u toku izvršenja ovog Ugovora nastupe okolnosti koje se u vrijeme zaključenja nisu mogle predvidjeti, a koje utiču na njegovo izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Izvršilac usluga je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

#### Član 6.

Ukoliko Izvršilac usluga zakasni sa izvršenjem ugovorenih obaveza iz člana 3. tačka 2. ovog Ugovora, dužan je platiti Ugovornom organu, za svako kašnjenje u izvršenju ugovorenih obaveza, ugovornu kaznu u iznosu od 2% od ugovorene vrijednosti usluge sa kojom je zakasnio.

Ugovorni organ se obavezuje da Izvršioca usluga odmah obavjesti o svakom kašnjenju u izvršenju ugovorenih obaveza, na osnovu koje je Izvršilac usluga obavezan umanjiti iznos fakture za plaćanje u skladu stavom 1. ovog člana.

Ugovorne strane su saglasne da je za slučaj neizvršenja ugovorenih obaveza Izvršilac usluga dužan platiti Ugovornom organu, ugovornu kaznu u iznosu od 5% od vrijednosti ovog ugovora.

Pored prava iz stava 1., stava 2. i stava 3. ovog člana, Ugovorni organ ima pravo naknade štete, ako je ista prouzrokovana ovim neizvršenjem ili zakašnjenjem.

#### Član 7.

Ugovorni organ je dužan Izvršiocu usluga prilikom obavljanja ugovorenih usluga omogućiti nesmetan rad, te će Izvršiocu usluga staviti na raspolaganje svu dokumentaciju, koju posjeduje ugovorni organ, potrebnu za izvršenje predmetne usluge.

#### Član 8.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Izvršilac usluga je dužan da obezbijedi da sve informacije i sva saznanja o poslovanju Ugovornog organa koje sazna u toku izvršenja ugovorenih usluga čuva kao poslovnu i profesionalnu tajnu.

Podaci za koje Izvršilac usluga sazna slučajno, po prirodi posla, također se smatraju poslovnom tajnom.

#### Član 9.

Ugovorne strane mogu ovaj Ugovor raskinuti i prije njegovog isteka ukoliko se jedna od ugovornih strana ne bude pridržavala odredaba istog, uz predhodno izmirenje svih ugovorenih obaveza.

#### Član 10.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

#### Član 11.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

#### Član 12.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

**E-Strom d.o.o.**  
IZVRŠILAC USLUGA:  
SARAJEVO

Broj: 133-20/019

Sarajevo, 21.09.2020



UGOVORNI ORGAN:

Broj: 14-1271-3/20

Sarajevo, 17.09.2020. god.

*FA*